

# Бесіда

## ЛЕМ АДЗИМКА, АЛЕ - СВОЯ !

Незмірно велику одновідальніст доручено авторови тих перших рядків, першого в Народній Польщі лемківського, скромницького іши на tot (горячий) час, але в задумі - більшого періодично-го писма. Од чого зачати? Што предложить чому? О чим повісти, а што поминути? Бо вшyткого, шо засідило ся в душі без паруден-сят років виповісти ся не даст.

Так, вшyткого виповісти ся не даст. Треба писати, слухаючи

натуру, піти за думком, той, гір-ской-лемківської, літньої уж но-чы. Скоріцько, жеби не втекла, записати думку - бесіду душі. Слухати і записувати, зас слухати і ...

Ні, не таке то просте. Уж му-шу лишти душу і оперти ся о барже рациональні механізми. Уж представлям сой сусіда Фечя, ви-джу як отверат гамбу і гварит: «иши ес гаде добре не зачав, а

(продовження на стор.2)

ІВАН РУСЕНКО

## ЛЕМКИ

МЫ БІДНЫ, УЖ З ДІДА - ПРАДІДА,  
ТО ДУХОМ ХОЦ БУДМЕ БОГАТЫ !  
І ЧЕСТИ НЕ ДАЙМЕ ЗДОПТАТИ,  
А ВІРЫ НЕ ЗЛОМИТ НАМ БІДА !

МЫ «ТЕМНЫ» - ТАК ГВАРЯТ «НЕЛЕМКИ»,  
ТО ТРЕБА ГУ СОНЦЮ НАМ ІТИ,  
БО СОНЦЕ І ДЛЯ НАС ЗАСВІТИТЬ,  
НЕ БЛUDМЕ ВСЕ ВКОЛО ПОТЕМКИ !

МЫ СЛАБЫ, ЯК ГАЧА ДО ПЛУГА,  
ТО ДРУЖНО СЯ БЕРМЕ ДО ДІЛА !  
І БУДЕ В НАС ДОРАЗ МІЦ - СИЛА,  
ЛЕМ ТРЕБА СПОМОЧЫ ДРУГ - ДРУГА !

НАС МАЛО - ТО В ЄДНУ ГРОМАДУ  
ВСІ ХОДМЕ І СМОТРМЕ ДОКОЛА  
БЫСТРЫМА ОЧАМИ СОКОЛА,  
ХТО З НАМИ ВРАЗ ІДЕ - ХТО ЗВАДУ ?!

МЫ МЯГКИ - ТАК ГВАРЯТ - ЯК ГЛИНА,  
ГАРТУЙМЕ СЯ ВШYТКИ НА ГРУДУ -  
В ПЛАМЕНИ НАУКИ І ТРУДУ.  
І СТУЖАТ ВНЕТ НАША РОДИНА !



ZARZĄD GŁÓWNY  
STOWARZYSZENIA LEMKÓW  
ГОЛОВНИЙ ЗАРЯД  
СТОВАРИШЫНЯ ЛЕМКІВ

СИГНАЛЬНИЙ НОМЕР 1-89

## ТРЕБА САМЫМ БРАТИ

Бесіду з Ведучим Головного Заряду Стоваришина Лемків, на щоден - директором Драматично-Театру ім. С.Шанявского в Валбжиську, Паном Андрийом Копчом:

- Пане Андрию, складаючи Вам найперше щыры гратауляциі з на-годы покликання Вас на Ведучого Стоваришина Лемків, зверну ся з таким простицьким звіданьем: Як думате замінити параграфы статуту на жыті?

- Вшyтко, што ся родит, родит ся в болях. Не інакше є і зо Стоваришињом. Надія в тым, же є оно том дітином, на котру ждало ся барз довго. Знаме, мы молоды може дакус меньше, же то-то, што ся повело нам в 89 році, было плянуване давно, підходили до него наше вітцьове, старши братя. Они не мали щестя, ұам, так як ем рок - повелося. Чом аж нам? Трудно до того тепер до-ходити, було - пропало. Причи-ни были більше або меньше віро-гідны, але... лишме іх для себе. Треба ся брати щыро до діла, бо робота перед нами велика.

- Не даст ся того скрыти. Як думате ей розділювати?

- Єй треба самим брати, не ждати на особливы доручыння. На-ши цілі окрісят статут. Хто ся видит в них, буде на іх основі діял. Коц знаме добре, же став-ління ся до наших справ, давних замірів, а тепер уж - Стовари-

(продовження на стор.5)

ВОЗ УЧАСТ  
В КОНКУРСІ

(стр.8)

## ЛЕМ АДЗИНКА...

(продовження зо стор. I)  
уж єс всадив икій в мурячыско. Яке то першэ в Народній Польшы періодычніе лемківскіе пісні? А „Лемківская Сторінка”? Отже, кед уж нашов на мя в туту літню ніч парапсихологічній дар чутя на одлегліст чужой гамбы, чом не одповісти одраз?

Хыю чело низко перед „Лемківском Сторінком“! І я на ній выплекав. Без тридцет з гором років сповняла туту трудну ролю єдиної. Завдяки ній мали мы мож - ливіст познати пера Головчака, Желема, Кузяка, Даїндзя, Горощака, Мадзеляна, Стефанівскога. Не буду вшыткіх перечислю - вав, бо заняли бы ціле місце пе -резначене на тот допис, а при тім - мусів бым приклікати і тых, которых верши, дописы рока - ми огыдили нашу прекрасну лемківску бесіду.

Што, што повідате? Же кождий має право ся выповісти? Так, признаю, признаю! Еднако кохам люді з выпещенными ручкami і тых (а можо іщи барже), которых тяжкій труд поорав на них чорни яр -кы. Еднако цію „золотоустых“ і гугнівых. Лем же попри тім ве -ликим слові „Чловек“ існуе іщи одвічний і натуральний поділ ріль, якы му пришло выповніти. Сталін і спілка прібували спро - вадити до єдного тоты два поня - тя. І шляк трафив пшеницу в чор -ноземі і літературу серед пре - богатых талантів. Лем же Сталін не діждав на „Лемківскую Сторінку“ і дост трудно го за то обвиняти. Немічиніст „ЛС“ на тлі доброго рівня „Нашого Слова“ в цілости є доведіньком, же то не вина так званого „трудного пе - ріода“. Зрештом, в кождім часі мож зробити діло добре, коли ся того широ прагне, або штоңай - исьше выповніт дорученні обовязки. О, ту ём ся певно послиз - нув. Так, людям одновідальним за „ЛС“ доручено обовязки і оні

іх сумлінно віновинили. Зліх тек - стів не одмітували. Бо то стисло - то діалект. Барз добрых не но - мімали, бо то - не дай Бог - мо - же уж виглядати на мову.

Така была, така с і така пе -звно буде наша кохана, єдина „Лемківска Сторінка“. Але не буду ей спомінав жлі. Кождій дбає о свою справу - най ій там. Не зарікам ся зрештом - можу на ню (то значыт - до ней) дашто пі - слати. Лем першє мі мусят выдру - кувати тото сперед двох років.

Перейду, полечу за думком, за літнім місячком. Мам де пи - сати так, як думам(най і вигля - дат оно в друку брудко - до ліп - шого часу). Мам де писати! За - вдякы чому?

7-го квітня 1989 рока заре - еструвано СТОВАРИШНЯ ЛЕМКІВ!!! І од того повинен ём быв зача - ти. Нес тепер в обсягу лемків - ского виднокругу справы важній - шо.

Дано можливіст думати за - конно і НАМ, то значыт тым, ко - трым передовшытким належне таке право. Дано бесідувати самим за - себе, становити о захованю той - же матерінської бесіди, рідної культури. Призанано право до ду - мання про само думання і право до того і так, што і в якій спосіб прагнеме кохати. Призанано за - конним тото, што всіди і завсе повинно быти законом.

Довго суджено было ждати. Зливы неедной ярі несли на наше поле крячівя, хабазя, пригынали наше колося, обсмыкували рису. Але мы ся встояли, перебили бі - ду, недоідаючи словом - пережы - ли. Бо коріння наше в добрий почві, в рідnym грунті. Правда, - порідшли наши ряды, зменьшало ся нас. То дост натуральне. Лег -ше хліб істи, нич на него роби - ти. Може і легше користати з чу - джого, коли дают дармо, хоц як вчыт жыть - таких подарунків не - се. То лем позірний подарунок, з котрого здерто ціну, жось ей по - роках приліпити з процентом.

Нелегко нам. І в туто, раді - сну для нас яр 1989 рока пішли зливы по нашым вяжучым ся коло - сю. Не дошы, даочы жыть, а зли - вы з перунами, буры градовиты. Штучно выкликаны, запрограмму - ваны комп'ютерами, з окрісленім на - міром на нашу ниву. Лем зато, же хочеме жыть, існувати, любити, кохати. Не выгнанути, як перед віками Ятвягы, Прусы,

Чом мі пришли на душу аку - ратні тоты, неіснуючы, давно ви - туплены народы?

Перед парома днями іхав ём на XI Фестиваль Української Пі - сні Музыки і Танца в Солоті. За шыбами автобуса явилися штораз то новы краевиды. Коли рівнини Мазовша замінила прекрасна кра - іна горбків, лісив і озер, змі - нили ся і стрічаны по дорозі місцевы назвы. Часто не были о - ни в своім джерелослові славян - ски, не были і германьски, поні - мецки. Народу, который приклікав іх до жыть, давно уж нее. В сен - сі антропольогічным, біольогіч - ным заховалася частинно, бо вшы - ткіх не мож высічы. Та разом з замордувацьом Іого бесіды - пе - рестав быти народом, в кождым розумінію того слова.

Наши потомки, в рідній і ме - шаний спермі будут жыть, покилькі існувал буде світ. Але враз з затрачніцьом рідної бесіди, пера - станеме існувати як Лемкы. Дакує іщи покуяме як нисбы-Лемкы в - дайме нато - Лемківской Секції, Товаристві „Лемківщина“, а потім останеме лем як экспонаты в ско - нсенах Львова, Санока, Свидника, в мудрых книжках Штібера, Райн - фуса, Красовского, Мушинського.

Же што, сусіде Фецы? Же будеме свідомыма Українцями? Так! Але і свідомыма Словаками, По - ляками. А передовшытким - то су - демес ЛЕМКАМИ!

І не жаль нам буде „хіхи“ і „хіння“, „ярі“ в „Убочы“ і „жови - ны“ в „лудлі“? Их висновідаме ся ізреда світів душами, кел до-



бровільно продамо на ярмарку в Горлицях дідове і нашо "ЛЕМ"?

Покликали ми до жити Стоваришина Лемків. З думком передвіштким о тих, котри не заакціонтували УСКТ (подібно як перед сто роками "Просвіти"). А житя летит, а час дре! Вільно ВІЛЬНО думати інчим - вільно і нам (бесіда о нашій "несвідомості" - тонич інчого як образа). За думаньом, натуральним трьбом, повинна поступувати діяльніст, завершуюча, сповнююча прагнення і надії. Мусиме дати людям, своїм людям, нащадкам Павловичовим і Русенковим хліб. Такий хліб, який буде ім смакував, бо інакше підуть - до інчої пекарні. І уж іх одтамале не наверне: николи ани Красовський, ани Гунька. А школа буде, велика школа! Не лем нам!


Подумайте о тім вшyтки, подумайте терезво. Даруйте сой батьківський тон і усвідомлюючи бесіди, бо то порожнє, як сусік на преднівку.

То до Вас! А до нас?...

Нес уж Ятвягів інич не покличе іх до житя. А крестоносці ("кшyжаци")?... Цыт, діточки! Не бійте ся. З давних іх "метод" остали лем казальниці. Змінятся світ, в кождым Народі, в кождого Сусіда, окрем бортаків, є достаточно мудрих люді. Цыт, діточки, цыт!

Втіче, якніє літня ніч, сходить сонце, стає Ден! Охорон Боже од зливи... А мы ся тримайме! Лем!

Муряника



# СТАТУТ

## СТОВАРИШЫНЯ

### ЛЕМКІВ

(віднитки)

#### УСТУП I

##### ЗАГАЛЬНЫ ПОСТАНОВЛІНЯ

- § 1. Стоваришина Лемків, зване дальше Стоваришињом в стоваришињом зареєструваным і посилат правну особовист.
- § 2. Тереном діяльності Стоваришиња є обшир Польськой Народной Респубулики.
- § 3. Сидібом начальних власті Стоваришиња є місто Легница (Лігница).
- § 4. Стоваришињ має право творини oddілів а і теренових кружків (місто, гміна, село) на засадах окріслених в дальших постановліннях нинішнього Статуту.
- § 5. Стоваришињ є самоурядном громадском організаційом діючом згідно з обов'язуючим в ПНР законним порядком.
- § 6. 1. Стоваришињ уживає печати в формі еліпса з написом в польським і лемківським языку о змісті: в обведіні "Стоваришиња Лемків" а посередині: Головний Заряд (Заряд Округу) в ...".  
2. Головний Заряд, Головна Ревізійна Комісія, заряди oddілів і теренових кружків уживають печати кореспонденційних з польським і лемківським написом: "Стоваришиња Лемків", а одповідно нижче - організаційна ступінь, номер почтового коду, сидіба і номер телефону единиці Стоваришиња.

#### УСТУП II

##### ЦІЛІ І ЗАСОБЫ ДІЯННЯ

- § 7. Ціло Стоваришиња є:
  - 1. інтеграція лемківського насеління несмотрячи на погляди і релігійни переконання,
  - 2. ратування, плекання і уповсюдювання духової і матеріальної культури Лемків,
  - 3. наукання лемківського языка,
  - 4. популяризація історії Лемківщини і знань о житі і діяльності Лемків поза границями Польщі,
  - 5. пропагування лемківско-польської дружби і співпраці з подібними товариствами народних меншин в Польщі, а особливим узгляднінью Українського Громадско-Культурного Товариства.

- § 8. Приведено в параграфі 7 цілі Стоваришињ реалізуются через: (...)
- 2. твориня осередків пропагування лемківської культури, таких як: бібліотеки читальні, клуби, світлиці, хижы музеино - етнографічного характеру ітп. (...),
- 4. видавання власних часописів, книжок і брошур і тіх репертуарових і рекламових причинків,
- 5. скатальогування і записання (в писемній і візуальній формі) памятників і реліктів духової і матеріальної культури Лемків (...).

#### УСТУП III

##### ЧЛЕНЫ, ІХ ПРАВА І ОБОВЯЗКИ

- § 9. 1. Члены Стоваришињ діляться на:
  - а) звичайних
  - б) гонорових
- 2. Звичайним членом Стоваришињ може быти кожда фізична особа, котра ма завершene 16 років, окріслиться як Лемко / Лемкіня, є лемківського походження і призначає статутови цілі Стоваришиња.
- 3. Гоноровим членом Стоваришињ може быти особа заслужена лемківській громадськості і культурі. О придані гонорового членства дедидус Головний Заряд Стоваришиња.
- § 10. 1. Принята в число членства Стоваришиња доконує Заряд Кружка на основі писемної декларації Кандидата

#### УСТУП IV

##### ОРГАНІЗАЦІЙНА СТРУКТУРА

###### I ЗАСАДЫ ДІЯННЯ СТОВАРИШЫНЯ

- § 14. Структура Стоваришињ вміщає:
  - 1. кружки
  - 2. окружні oddіли
  - 3. начальни власті
- § 15. 1. Тереновий кружок є основним організаційном единицю Стоваришиња.
- 2. До заложення кружка вимагане в число штотайменьше 5 осіб.
- 3. Заложення кружка вимагат затверджения постановом Окружного Заряду.
- 4. Кружок виеднус право до діяния з хвильом покликання го на заложительским збором і зголосюю одноідніому органови державной адміністрації. (...)

- § 17. 1. Протяжніст каденций вшyткіх власті Стоваришињ висосит 4 роки.
- 2. Засады зголосування числа кандидатів до власті, засады іх виборів і способ голосування при виборі усталює айзд одповідного шабля або загальне зборання.

## КАРПАТОРУСИНСКІЙ ОСЕРЕДОК ДОСЛІДЖЕНЬ

В 1988 році Карпаторусинський Осередок Досліджень в США обходив своє 10-ліття. Здавати було, що десят років то не дуже, та на основі Його початків і днешньості мож найти одновід - як годно ся розвивати в будущності.

Осередок зареєструвано як недоходову культурну організацію в стейті НЮ Йорк. Його головном цілю було і є публікування і дистрибуція науково-популярних причинників, трактуючих історію і культуру карпатських Русинів, жіночих в Європі і Америці. Ведена освітня діяльність полягає медже інчима на організауванню і фінансуванню наукових конференцій в Америці і поза її межами. Барз важном формом діяня є промування і фінансування замешуючих в Європі, а занимаючих ся науковом працюм.

Діяльності Осередка проводять вчені такої слави як: Павуль Р.Магочі - професор Гарвардського Університету, справу чий Функцію Президента Осередка і Патрикія А.Кравчик - доктор наук Університету Дікенсон (Пітсбург). До Головної Ради Осередка входять люди винятково заангажувані в лемківські справи. До них належать: Мери Гешинг, Іван Галузка, Марія Гузінець, Д.Дземба, Е.Касінець, Штефан Малик, Орест Мигали і Патрикія Онуфрік.

Од самого початку своєї діяльності Осередок tot утримує барз добри зносини з організаціями о світським як і релігійним профілю, котри займають ся лемківськими справами. Особливо цінна є співпраця посередництвом глязот, писем і публікацій з епархіями ріжих віроісповідань славинських народів. Треба сднак підкріслити, що Осередок нес звязаний, або залежний, од котрої небуд з тих організацій. Не розреконтує тіж жодне з відповідідань. (...)

Сміло стверджти мож, що Осередок зробив великий крок в ділі одріджння лемківської проблематики. Іши донедавна невелике число Американів лемківського походження мало ясне вображення о прагнізді своїх предків. Коли звідано одкаль походять іх родиче, дідове, прападіві, одповідали: "деси там, зо східній Європы". Днес ситуація змінила ся в великий мірі. Видана через Гарвардський Університет енциклопедія "Американські етнічні групи" окрісляє Карпаторусинів як одрубну етнічну групу (належить припомнити Читачови, що в Америці поняття "етнічна група" має інше значення, як в нас - Ред.).

Побільшув ся число осіб спераючих Осередок і на днес виносить оно понад 5500.

Особне слово належить ся винятково цінній періодичній по-зыці, яком с тримісячник "Карпато-Русин Американ" (на англійській мові). На сторінках того письма лемківські теми передставлені сут на високим інтелектуальним рівні.

Зрештом о рівни вшиткого, пропонуваного Осередком свідчить факт, що більшіст позицій є видаvana через так реномуваны видавництва, як:

Harvard University Press, Columbia University Press, Wilhelm Braumuller /Wieden/, University of Toronto Press, oraz Multicultural History Society of Ontario.

Неможливим є в так скромных хоц винятково вартісним виданю, яким є "Голос Ватри" (Автор передав допис до використання в "ГВ" - Ред.), передставити цілого дорібку Карпаторусинського Осередка Досліджень. Моїм заміром було зазнаємлення Читачів з єдиним Осередком, займаючим ся лемківським проблематиком в таким вимірі і з таким заангажуваньом.

Шкода лем велика, що наші поети, писменники, історики, творці культури діючи в Польщі не участвують в тій інтелектуальній бесіді. Розумію, що язык, а раз-ше його незнаність становит значну перешкоду во спільній "гостині".

Коли бы хоц лем невелика част досліджень Осередка доступна була на нашому ринку в пам'ятах нам повсюдні знаніх, било би то великим доброділом. Быти може наша свідомість, потребе взаїмної толеранції, почутя народної єдності і згоди виглядати би дакус інакше - чого собі жечу. І вшитким Лемкам - Русним на цілім світі.

АЛ КЛИН



В наслідстві пройдених дискусій на сторінках публікацій, видаваних Осередком одріджило ся як спомнено вище, величезне за-інтересування справом Карпаторусинів. Односит ся оно не лише до еліти науковців, а обнимат широкий круг суспільства карпаторусинського походження. До осередка приходить штоленно велике число листів з цінними джерелами дотично історії і культури "наших людей" або і, з другої страни - з просьбами о можливо повну інформацію о походженні їх предків.

Статистика Осередка Досліджень с імпонуюча. Видано, скажемо, десятки позицій, роз-проваджено тисячі примірників.


## ТРЕБА САМЫМ БРАТИ

(продовження зо стор. I)

шнія конкретно, не завсе було, а і хибаль - буде, однозначно.

- Власні! Ци не боїтє ся, же наши лемківські справи так си уж застаріли, бо - як ви спомнили старали ся о ні наши віцьове, отже, ци не боїтє ся, же асиміляція взяла уж широкій покіс, ж організації, стоваришнія, до яких належали Лемкі в тих остатніх парудесільськох роках не вплинули на іх погляди, на іх заангажування в народні справи?

- Спеціфічна ситуація, в якій нашли ся Лемкі по виселенню налевінно подіяла негативно на



погляди, переконання, в цілій гармонії іх аспектів. Напевно обставини, в яких люди жили через тих сорок років, розшарені на просторі соток кільометрів не спомагали інтеграцію, напевно і лем - дезінтегрували. Загибало вшtykto. Загыбав, змінявся ізык, культура духовна і матеріальна. Тратило ся і само почуття спільноти. Тоти організації, а суджу же мали-сті на думці властиво єдину організацію, то значить УСКТ, і коли оне ходить - рідко виходило напроти вінтересуванням Лемків.

- Пробачте, що гвозду в бессіду. Маме в статуті такій пункт про співдіяння з інчими стоваришніми, в тым з особливим узгляднінням співдіяння з УСКТ. Як вилітє того в будучності? Які форми співпраці могли быти прияти?

- Нич переїдеме до форм, хо-

тів бям зложити таке, важне свою думку освідчння. Стоваришнія Лемків поєднане не по то, щоб ділити Лемків, жебы бороти ся з тими Лемками, котри принаджат до УСКТ. Хочеме з ними співпрацювати, хочемо співпрацювати зо вшtykym, не замірюючи при тим бити, ик лотинер - бідним Ванцьом. І то уж сут форми, котри будеме ся старати розвивати по мірі доброй волі і брата і сусіда.

- Найвищом властю Стоваришнія є Крайовий Конгрес. На коли передвиджуєте його скликання?

- І Конгрес маме в замірі скликати під конец того, 1989 рока, але не повіджене, же термін тот може ся пересунути на перші місяці 90-го рока. Хочеме, жебы в Конгресі взяла участя як найбільша і найбажче реірезентанті - на част лемківської суспільності. А так може ся стати втіди, коли будуть організувати ся кружки Стоваришнія. Они ся творят, але знаме, же неє то таке просте. Не загнbla в нас ішы психоза страху перед підписуваньом чогонебуд поза пінняжными чеками. А мы не думаме никого міцно переконувати, не замірюємс іти на число, хоц знаме добре, же генерал без армії, то ниякій генерал. Певно, мы бы хотіли, жебы нас было якнайбільше, бо то добре свідчит о Стоваришнію, але найбільше свідчит активне діяня, конкретни ефекти.

- Такы, як створиня Лемківського Народного Театру?

- Само створиня, то доперва початок дороги до ефекту!

- Не будте такы скромин! Знаєте, що інтенсивн і регулярні робите пробы. Коли варіме Вас на сцені? І з чим?

- Перший виступ передвиджуємо на половину линця в лігніцьким театре. Будеме го трактувати як генеральну пробу. Зас прем'єру видиме на сцені УІІ Лемківської Ватри в Бортнім, 22-го

линиця, в суботу. Драма мас назаголовок "Одятти корені".

- То штоси нове в нашій літературі. Хто с автором?

- Драму написав ем з думком виставлення їй в моім театрі, в Волбжиху. Хтів ем Полікам вказати нашу долю. Тому ся, же зродила ся така прекрасна нагода і може тое зробити по лемківски, з акторами - Лемками, хоц лем акторами.

- Але буде кус і професійності. Ви єй іреці режисерусте?

- Так! і не лем в тым виді буде то професійніст, бо ціла технічна сторона з помочом засобів валбжинського театру буде професійна.

- Ждеме з нетерпливістю! А тепер будеме помаленьки кінчти нашу розмову, та перед тим хочу Вам ішы задати "братобійче", же так го окріло, звідання. Ви ся найбільше заангажували, жебы основати Стоваришнія Лемків. Довіроно Вам становиско Ведучого. Як судите, ци І Конгрес СЛ даст Вам дальше довіря на проваджиня нас?

- О, то уж справа Конгресу! Зрештом думам, що не найважнішо, ци я буду Ведучим Стоваришнія. Важис є тόто, жебы люде котри будут му проводити, робили вшtyk для справи Лемків, для цілої суспільноти лемківської. Для вшtyk! Не лем членів Стоваришнія. Я виконав першу роботу, може найбажче невдачу; при чим не уважаю, же тоти, котри придути по мі - будут мати легше. Буду ім помагав, незалежні, ци на даяким становиску, ци без становиска, як рядовий вояк.

- Ужлисте такого, дост сумнівного слово зложння: "тоти котри придути по мі". Судку, уважаю, що час тот ся значно видовжат! Іого Вам сердечні жичу і дякую за розмову!

- Дякую!

розмавляв:  
П. ТРОХАНОВСКИ

# ЗА ГОРАМИ \* ЗА ВЕЛЬКОМ ВОДОМ \* В СТЕПІ

Стараньом Миколи Мушынки, КСУТ (ЧССР) выдав 2/89(127) номер "Репертуарного збірника". Праві в цілості посвячені він Баньові Гусянці з нагоди 100-ої річниці народження нашого великого писменника і діяча культури. В збірнику поміщено оповідання "Марко Богач" і "Лешко Мышна", а тіж драму "Дротар Павлик". Тішіт факт, що заховано (з невеликими змінами - в більшості слушного) текст лемківського оригіналу.

Гратуємо видавці одваги, - она може запроцентувати, коли нес уж за пізно! Зао Панку Миколі Мушынці дякуємо за жмінку свіжих думок, котрі, незалежно від інтенцій автора, приносять нам ободряння:

"В останньому часі літературу писану народною говіркою у нас чомусь прийнято вважати літературою заднього плану, незважаючи на її художні, ідейні чи естетичні вартості. На сторінках наших видань вона повністю вийшла із вжитку (якщо не рахувати фольклорні видання). А це велика шкода. Відкидаючи народні говірки, тобто материнську мову у прямому розумінні цього слова; якою і досі користається не менше 95% українського населення Пряшівщини, ми тим самим перевізуємо пуповину, якою досі були пов'язані з народним ґрунтом.

Та в умовах Пряшівщини народна говірка, як мова літературних творів, має особливо важливе значення. У значної частині населення під впливом адміністративного запровадження української мови у школу, виникала аверсія до української мови яка в останні роки проявилася радикальним зменшенням українських шкіл. В наших селах живуть цілі генерації людей, які української літературної мови ніколи не вивчали і не збиряються її вивчати. Дома вони і надалі користаються лемківською говіркою, однак читати виключно художні твори писані по-слов'янські та словацькі пресу. Тож

чому до цих людей не заговорити їх рідною говіркою?"

Остатні цитувани думки носять знамена проби "ратування ситуації", як то ся в нас окриє. Но, што ж, прошу Панства - треба ратувати!



Осінню минулого року зорганизувано в екзотичному місті Голюблю на Гаваях симпозію в якій участвували славісти з цілого світа, в тым - з Польши, та Словітского Союзу. Ініціатор симпозію, Проф. Пауль Роберт Магочі представив увазі учасників реферат п.н. "Народу творіння чи буріння? Лемки, Поляки і Українці в сучасній Польщі".

Писав о тым свого часу по-чтний "Тиждінік Повіщення", але в міру попутано і гмісто. Редакція "Бесіди", диспонуючи польським перекладом оригіналу прагне приближити своєму Читачовім хоцьлем пару, але зато сконденсуваних, соковитих думок:

"Biorąc za prawdę to co się mniema na temat niwelujących możliwości tendencji asymilacyjnych we współczesnym społeczeństwie industrialnym, zagadnienie określenia się Lemków powinno zdecydować się już dawno temu. Lemkowie zaczęli podlegać prądowi asymilacyjnemu od 1947 roku, to znaczy po ich przymusowym przesiedleniu z ojczystych Karpat i rozmieszczeniu w małych grupkach na północnych i zachodnich ziemiach Polski. Wyruzucenie z własnego terytorium, umieszczenie w czysto polskim otoczeniu, bez możliwości posiadania jakichkolwiek własnych organizacji kulturalnych i sytuacji, gdy jedno z własnych wyznani religijnych /greko-katolickim/ było całkowicie zakazane, a drugie /prawosławie/ ograniczone w swym działaniu przez wpływ rzymsko-katolickiego otoczenia, możliwość posyłania dzieci tylko do szkół polskich - wszystko to pozwalało spodziewać się kompletnej asymilacji

młodego pokolenia Lemków urodzonych już na emigracji. Logika nakazywała przypuszczać, że wraz ze zjawiskiem pokolenia starego, urodzonego i wychowanego na ziemiach ojczystych, problem lemkowski powinien się zdecydować i ostatni Lemkowie winni znikać. Jednak w 40 lat po przesiedleniu Lemków i po urodzeniu się i akulturacji w nowych warunkach co najmniej jednego emigracyjnego pokolenia, problem najwyraźniej istnieje nadal. Odwecioj, nie tylko że Lemkowie nie przeminęli, lecz nawet - jak to dobrze widać z tam polskiej prasy lat 80-tych - prost przeciwnie, przechodzą oni teraz prawdziwe odrodzenie, renesans, ponowne odkrywanie swych korzeni. I nie ma w tym nic dziwnego, że ten renesans uaktyualnił dylemat tożsamości.

.../ To, iż współczesne pytanie lemkowski stało się

przedmiotem dyskusji w gronie grupy, nie mówiąc już, że także tematem debaty na konferencji takiej jak ta, sugeruje, że odpowiedź na ten dylemat została już wypowiedziana.

.../ To pewne, że odrodzenie narodowe Lemków dopiero się rozpoczęło. Upłynie co najmniej jedno dziesięciolecie zanim poznamy czy się utrwaliko, a jeśli tak, jaki kierunek ostatecznie wybrało."

Дали ми сой спокій з передвижньом тексту на язык нашої "Бесіди" (быв уж тлумачений з англійського). Значна більшість Читачів хвиля вищко розуміє. Пояснити може дашто? Не труда? То добре, барз добре!



Во Львові покликано Товариство "Лемківщина". Не мали мы сіднак інші можливости читати його видань, отже і не маемо чого коментувати. Та надіємеся, що братне Товариство вмет потишит час несідном добром новином.

В дніях 15-21 мая того року, при співдіянні м. ін. Студентського Кружка Бескідських Провідників, Академічного Одділу і Вое-відського Заряду ПТТК в Лодзі, та Інституту Географії Міст і Туризму Лодзького Університету зорганізовано VII Тиждень Гір, посвячений Лемкам. Поділено tot

"Тиждень" на дві частини. Перші три дні заняла освітньо-наукова сесія, проведена в самій Лодзі, зас решту виповнили рейди та ім-прези зорганізувані на терені наших гір.

Нас - Лемків може заінтересувати передовищтвом перша частина. Зрештою лемків ній можу слів пару написати, бо мав єм щестя в ній участвувати, репрезентувати Лемків і слухати при нагоді, що то они о нас речуть.

Як перший, виступив з доповідю Антоні Крог. За тему мав історію Лемковини ХХ століття. Бесідував з великим знанням предмету, може лемківське скуплено і виважено, ниче робити то на стрічах менше офіційних. Найціннішим зас для поповнення знань був в його доповіді період Першої Світової Війни. Відомо, - хто отім не знає, най буде відомо, же - Антоні Крог то ходяча енциклопедія того часу нашої історії. В його устах трагедия Талергофу, трагедия виселення, Явожна, то не лемківський вивід науковця. То і комірочка серця, так рідка серед тих, котрих звичко називати обчими.

Назвав єм щестю свою участь в тій сесії, але треба мати і кус нещестя, щебы виступляти акуратні по Крогу. Мав єм за тему історію лемківської літератури, од ей народжения аж до наших днів. Як єм тіто виконав? "тож речи о собі" - же послужуся цитатом зо своєї "Байки о коніку"?! Старав єм ся, але думам, же треба мати дакус менше "Фахів", щебы хоць в еднім бути

## VII ТЫЖДЕН ГІР

направду добрым. Жкоси перешло. Дост, же запропонувано мі іщи не плющуване виступління зо свояма вершами, уж на розпочаття другого дня. Ту чув єм ся хъбаль... зрештом, я знам?

Пана, котрий мав виступляти по мі, познав єм пару годин першо. Нижак не виглядав на науковця. Быв за молодий і за барзя за ним дівчата озерали. Виявилося, же і молодом гамбом мож дуже мудрого повісти. "Лемківське каменярство" в його виданії было для мя одкрито, новом пасійом. І што, хъбаль най-

знавци наших гір і наших дж. щирій в слові, об'єктивний в думці. (...) Тадеуш Анджей Ольшанські - Чоловек". Не знам, ци по таких словах мож ся почути певнішим, але коли Пан Ольшанські прислав мі до 4 "Голосу Ватри" верш, не помістив єм го уж на сї сторінках. Быв ніби то прекрасний, але... Автор хъбаль не доцінів нашу можливості розшифровування кодів. Видно іх, видно, видно в його частых, густых дописах. Маскувано прекрасних, прекрасно маскуваних, при чym завсе - з голосном деклараційом безсторонності. Доповід на сесії - "Дороги токсамости Лемків" - була барже "в нормі" (наші), що стало ся предметом мо-їого покус здивування. Но што ж - потрафиме ся найти в ситуації, потрафиме!

Того дня виступив іщи Адам Кулевські. Гарді бесідував - коментував свої фотопроекції о Горганах. Мож дакус було в тій фантастичній ностальгії, але то не наша справа. Гин Лемковина не досігат.

Сесії товаришила прекрасна експозиція зорганізувана (на базі власних експонатів) Тадеушом Келбасінським. Мож там було видіти старі і нізви видавничі "білі круки", як і лемківські чугуни, гуньки, кабати, оплічата, лайбіки, керпці. Добра робота, мудра робота.

Неплянуваною атракцією був довезений другого дня з Варшавської Політехніки... проект Осередка Лемківської Культури. На 6 пляншах (ІхІ,5 метра - одна). Може взріме го на Ватрі, що єм барзя просив автора проекту - Пана Владзімежа Вітковського.

Над VII Тижнем Гір працювало дуже люди, а душом цілості быв молодий, інтелігентний, жицливий Єжи Съверчинські.

За запрошення до бесіди щиро дякує Організаторам

П.Трохановскій



15-21.V godz 17<sup>00</sup>-21<sup>00</sup> kddz. ul Wigury 12<sup>a</sup>  
18-21.V Beskid Niski - Wysowa

важніше - Тадеуш Лопаткевич, бо о ним слово - створив свою, вірогідну теорію в тій голузі нашої матеріальної культури. А ніби мame своїх знавців! Тихо! Бо стыд ся принати! Окрім наукових дипломів, майже іщи дакус охоты до роботи. Не лемківські дипломацію.

Ждав єм особливо на третій день сесії. Час мя наглив, але ждав єм терпеливо! Мав виступити пан, якому єм посвятив в "Голосі Ватри" таки слова: "Поет, ре-дактор, дослідник. Знаменитий

## ДО ЗМЕРКУ!

Пережив Онуфрий три баби. Добре му уж загнало роками під старість, але тримався ішы, як паробок, неєдного бы перескочить. Оглух лем неборачиско, бо дежбы не оглух од трайх баб. Покус ішн чув, але як сам повідав, — голос му доходив як злід землі.

Видів зато Онуфрий цілком добре. Покурював сой файку на по-розі і — аж му обирви дыргали, коли взрів Ганцю чорнооку, як відра несла гу воді. Крас дівка, як пристала быстриця; аж слину гывтнув. Як то на світі є, што Бог дає таку красу бідній сироті. От, Його дівки мають вшытко-го дост, а такы як товчки...

Женився Онуфрий четвертираз, з Ганцьом чорнооком. Йой, як ся радував. Надставляв в церкви уха, як лем міг, жебы почути Ганціну присягу. .... і буду тобі вірна аж до...". Ту не дочув, деси тихше повіла. Але, што там, знає уж того на памят. Добре, што «буду тобі вірна...», — та до смерти, бо якже інакшев?

Ден, другій, третій дудніло весіля, аж ся утишило...

Стало сонце, ден прекрасний. Став і Онуфрий, проходить ся по подвірці, маркітний якисий. Аж ту кум Гриц:

— Дай Боже добрий ден!  
— Дай Боже і зам!  
— Як там, куме, з женом молодом?  
— Таат...  
— Што, жлі дашто?  
— Нияк мя гадиця гу собі не пустит!  
— Як то же так, та присігала  
— Та присігала якоси, добре се не дочув.  
— А може она лем до змерку присігала, не до смерти?  
— ...

(M)



ЖАИС ДІВЧА

ГОЛОВНИЙ ЗАРЯД  
СТОВАРИШНЯ ЛЕМКІВ  
ОРГАНІЗУЄ

## КОНКУРС

НА

## НАГРУДНИЙ

## ЗНАЧОК

СТОВАРИШНЯ ЛЕМКІВ

Проекти формату 10 x 10 центиметрів просиме надсилати на адрес редакції «Бесіди» до дня 30-го серпня 1989 р.

ЧЫТАЙ  
„БЕСІДУ”  
ВНУКУ  
І ДІДУ

## МАКСИМ і КЛІМ

Жили — були в наших горах Максим і Клім. Вічно вандрували, вічно гандлювали. Ходили з ярмаку на ярмак і радили сой яко так. А што розума не в лісі ся вчали, а медже людми, вшытко знали, по імені вшытко звали.

Хто іх не видів, або не чув, або оборотно, — най послухат. Хто зас видів, а до того і чув, — най прише до «Бесіди» мудри глупства і глупи мудrosti Максима і Кліма.

★

— Повідмі Максиме на што кура співат?

— Тат повідай, Кліме, же на біду!

— Ніт, Максиме. Кура на дзюбу співат!

★

— Де ідеш, Максиме?

— До корчмы, а ти?

— Тік дому!

★

— Котра стеранка, Кліме, найперше вкыпит?

— Ід, бортаку, хтоби того не знов. Тота, котру остатню на кріл шмарш!



„BESIDA” — kwartalnik Zarządu Głównego STOWARZYSZENIA ŁEMKÓW

Redaguje zespół: Piotr Trochaniowski — redaktor odpowiedzialny, Władysław Graban — sekretarz redakcji, Andrzej Klinkowski — redaktor techniczny

Adres redakcji: 33-380 Kłajucia, skrytka pocztowa 123